

Chappelle de branches de Cedre & de fapin en l'honneur de la creiche du petit IESVS; ils voulurent faire quelques penitences pour se mieux dispofer à le recevoir dans leurs cœurs en ce iour sacré, & ceux-là mefme qui estoient esloignez de plus de deux iournées se trouuerent à point nommé pour chanter des Cantiques en l'honneur de l'Enfant nouveau né, & pour s'approcher de la table où il a voulu estre le mets adorable: ny l'incommodité de la neige, ny la rigueur des froids ne pût estouffer l'ardeur de leur deuotion, cette petite Chappelle leur sembloit vn petit Paradis.

Ils prièrent le Pere de faire pour leur confolation & pour leur instruction dans leurs Chappelles volantes, tout ce que nous faisons dans nos Eglifes fixes & arrestées, leur donnant des cendres beniftes le premier iour de Carefme; ils auoient le cœur & la bouche pleins de tres-bons sentimens de pieté; ils reçoient les Ceremonies dans vne si grande droiture & dans vne si grande simplicité, [55] comme des gens qui croient que tout le monde en gouste les bons effets. Ils portoient des rameaux comme des palmes de victoire tout remplis de ioye des triomphes de IESVS-CHRIST en son entrée dans la ville de Ierusalem.

Ayant veu celebrer à Kebec la feste du grand saint Ioseph, patron de toute la Nouvelle France, avec des feux de ioye, ils voulurent luy rendre cét honneur, le cedre ny les autres bois ne leurs pouuoient manquer dans ces grandes forests.

Sçachans que IESVS-CHRIST s'estoit premiere-ment donné aux hommes sous les especes de pain & de vin le iour qui precedoit sa mort, ils tesmoignerent de grands sentimens de son amour, & apres luy